



Broj: T18 0 KT 0017708 24
Brčko, 12.12.2024. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

S. P., rođen ...1951. godine

Što je:

U mjesecu martu 2024. godine, u šumi zvanoj „Vinogradi“, k.č. broj 576 KO Vujičići, Brčko distrikt BiH, koja je u njegovom vlasništvu, u namjeri pustošenja šume, svjestan da nema odobrenje nadležnog organa za sječu stabala, što je i htio, protivno odredbama Zakona o šumama Brčko distrikta BiH i bez odobrenja Odjeljenja za poljoprivredu, šumarstvo i vodoprivredu Vlade Brčko distrikta BiH, kao nadležnog organa, izvršio redno neselektivnu i golu sječu ukupno 548 stabala trećeg bonitetnog razreda, vrste lipa, hrast, cer, jasen, grab, klen, javor i bukva, ukupne bruto drvne mase 336,65 m³, pri čemu sveukupna vrijednost bespravno posječene drvne mase sa odštetnim cjenovnikom iznosi 76.987,47 KM, nakon čega je posječena stabla izvezaio iz šume i prodao R.Š. za iznos od oko 25.000 KM, čime je oslabio prinosnu snagu šume i šumskog zemljišta i usporio trajnost šumske proizvodnje, te umanjio značaj njene opštekorisne funkcije na predmetnoj parceli,

dakle, protivno propisima sijekao stabla i opustošio šumu,

čime je učinio krivično djelo – Pustošenje šume - iz člana 309. stav (1) Krivičnog zakona Brčko distrikta BiH.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.
